



Concello de Vigo

Secretaría de Goberno Local
Expte 782-1102

RESOLUCIÓN REAPERTURA BIBLIOTECA

Con data 11 de marzo do 2020 a Organización Mundial da Saúde (OMS) declarou o brote de SARS-CoV 2 como pandemia. Por Resolución desta Alcaldía de data 12 de marzo de 2020 acordouse a creación dun Comité de Seguimiento de evolución do COVID-19, coa finalidade de analizar a situación e propoñer a implementación das medidas que se estimen necesarias.

Por Resolución desta Alcaldía de data 12.03.20 adoptouse acordo de peche ao público de todas as instalacións municipais, relaciónanse no seu Anexo I, entre outras, as instalacións da Escola Municipal de Artes e Oficios. Peche que cuia continuidade foi acordado por Resolucións desta Alcaldía de datas 14.03.2020 ao abeiro do establecido no Acordo do Consello da Xunta de Galicia de data 13 de marzo de 2020, en substitución do disposto no apartado quinto da Resolución desta Alcaldía de data 13 de marzo de 2020, relativa á ampliación do primeiro paquete de medidas polo COVID-19.o listado na web municipal e de data 15.03.20 de continuar o peche das instalacións e actividades acordados por resolucións previas desta Alcaldía, ao abeiro do establecido no Acordo do Consello da Xunta de Galicia de data 13 de marzo de 2020 e do Real Decreto 463/2020, de 14 de marzo, polo que se declara o estado de alarma para a xestión da situación de crisis sanitaria ocasionada polo COVID-19.

Vista a Resolución do Concelleiro Ddo. De Cultura de data 28 de maio de 2020 na que se detalla á afectación da Biblioteca Municipal Xoše Neira Vilas e dos Museos de a Casa das Artes (inclúe Fundación Laxeiro e Arquivo Pacheco), a Casa Galega da Cultura, o Verbum, o Museo “Quiñones de León” de Castrelos, a Pinacoteca FFR, o MARCO e o Museo Liste-Etnográfico de Vigo polo disposto no capítulo VIII da Orde SND/399/2020, do 9 de maio, para a flexibilización de determinadas restricións de ámbito nacional, establecidas tras a declaración do estado de alarma en aplicación da Fase 1 do Plan para a transición cara a unha nova normalidade e na Orde SND/414/2020, de 16 de maio para a flexibilización de determinadas restricións de ámbito nacional establecidas tras a declaración do estado de alarma en aplicación da Fase 2 do Plan para a transición cara a unha nova normalidade.

Considerando que segundo a dita Resolución considérase posible a súa reapertura a partir do martes 2 de xuño, (Fase 2 Plan de Desescalada), fixando as dotacións, persoal, limitacións e normas de uso axeitadas para o cumprimento das debidas condicións sanitarias, e dado o proceso de transición iniciado para a reapertura de espazos e instalacións municipais no marco fixado polo goberno do Estado, parece aconsellable avanzar na reapertura das instalacións municipais de Biblioteca Municipal Xoše Neira Vilas e dos Museos de a Casa das Artes (inclúe Fundación Laxeiro e Arquivo Pacheco), a Casa Galega da Cultura, o Verbum, o Museo “Quiñones de León” de Castrelos, a Pinacoteca FFR, o MARCO e o Museo Liste-Etnográfico de Vigo, nos termos expostos polos servizos técnicos da Concellería Dda-

No exercicio das competencias que a normativa vixente en materia de réxime local lle confire a esta Alcaldía-Presidencia en canto á dirección da política, o goberno e a administración municipal, así como o establecemento das directrices xerais da acción de goberno municipal e o aseguramento da súa continuidade, contidas no artigo 124.4.a) e c), respectivamente, da Lei 7/1985, de 2 de abril, Reguladora das Bases do Réxime Local, e Lei 5/1997, do 22 de xullo, de Administración Local de Galicia, de conformidade coas medidas previamente adoptadas por esta Alcaldía no marco do seguimento da situación e de conformidade co establecido no Real Decreto 463/2020, de declaración do estado de alarma, e as súas sucesivas prórrogas:

RESOLVO



Copia auténtica - Concello de Vigo

Data impresión: 30/05/2020 12:55

Páxina 1 de 2

Expediente 818/1102

CSV: 24EDE1-5432DD-8B56BC-W5FMXQ-S5VQAS-1E

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Concello de Vigo

Primeiro.- Modificar as Resolucións previas desta Alcaldía, de 12, 14 e 15 de marzo no relativo ao peche das instalacións da Biblioteca Municipal Xośe Neira Vilas e dos Museos de a Casa das Artes (inclúe Fundación Laxeiro e Arquivo Pacheco), a Casa Galega da Cultura, o Verbum, o Museo “Quiñones de León” de Castrelos, a Pinacoteca FFR, o MARCO e o Museo Liste-Etnográfico de Vigo , e decretar a súa apertura ao público a partires do día 2 de xuño, de conformidade coa Orde SND/399/2020, do 9 de maio, e a Orde SND/414/2020, de 16 de maio.

Segundo.- Notificar a presente Resolución á Concellería Dda. De Cultura para o seu coñecemento e execución.

Terceiro.- Dar publicidade deste acordo mediante todos os medios internos e externos dispoñibles, procurando a máxima difusión á cidadanía.

CCA

O ALCALDE-PRESIDENTE- ABEL CABALLERO ÁLVAREZ.

Dou fe. A SECRETARIA DO GOBERNO LOCAL-Mª CONCEPCIÓN CAMPOS ACUÑA



Copia auténtica - Concello de Vigo

Data impresión: 30/05/2020 12:55

Páxina 2 de 2

Expediente 818/1102

CSV: 24EDE1-5432DD-8B56BC-W5FMXQ-S5VQAS-1E

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>